

趙恭毅公自治官書類集

趙恭毅公集卷之二十二目次

長沙何祖柱附梓

藝文類

貞烈祠碑記

呈詞類

修祠產亡錄

爲李公祠田呈府

爲本府詳免米麥呈稿

爲推收事具呈郡侯

又爲推收事呈縣

又爲推收事呈縣

呈呈僧紀蔭

爲徵糧事具呈 邑候

民欠漕項未減呈 縣

爲錄遺事呈 府

本府准查隸子達例應考等事呈稿

爲派大樹呈 府

書政類

爲推收事致 邑侯書

爲推收事再致 邑侯書

爲推收事復 邑侯書稿

爲細號冊復 邑侯書

爲徵糧事復 邑侯書

附原覆惲宦書稿

致業師朱老先生書

趙恭毅公藻案畧存卷之二十

藝文類

貞烈祠碑記 時爲商丘令

死生之際顧不重哉而取舍向背之幾則微矣乎余觀自古學士大夫讀書考道講義型仁席紳紱之榮負社稷之寄一旦變故當前優柔隱忍甚或反面事仇棄廢恥而不顧者往往是也矧在閭閻之中具陰柔之質不習詩書之訓談不關君父之憂辱欲其毅然捐生慷慨

而無轉移蓋難矣然而尤有異者天地一氣賦形卽
人人同秉正氣於厥躬顧何以一朝之數不憚自經於
溝澮而大節則靡靡焉豈其血氣之違將有餘而道義
之配則不足歟無乃有所帥者其氣伸於正無所帥者
其氣激於偏也是故志之不可不持也終身之名節千
秋萬世之芳穠而祇係於一念之消長一息之依違夫
豈偶然之故哉余來宰商邑知前令梁公之配張孺人
者殉壬午之難從容自經邑人敬其節結宇祠之久而
祀予修葺焉又讀邑志悲同時之以死殉者率張諸人

志也烈魂駭駭顧可餒而乎於是廣其祠基築後廡又
按志有前於壬午而殉難者亦先得張孺人志也總烈
婦四十三人烈女四人或綸翟厲榮或裙釵茹困或琴
瑟誌好或閨閣待年莫不視死如歸潔身若浣滌弔之
下歎歎不能已爰鐫石代主春秋享之嗚呼完一已之
身名而榮千秋之受伯使過者生敬聞者興起豈非蓋
惡原在人心而貞志光於日月哉五代史取王凝之妻
以論焉道愧天下之學士大夫者至矣吾爲是舉詎但
倡一邑之化流坤德之輝乎蓋亦培黷眉之氣志取輕

重而審死生凡植身於兩間者不欲令巾幘羞人也然
則彰善繼風又實邑宰之責已

修祠述亡錄

皇爲善政百年未泯遺愛罔郡攸同仰達恩忱懇祈鑒
飭以清神宇以慰幽靈事竊惟宣化分猷天子重循良
之寄敦詩說禮邦人懷愷悌之風蓋惟德教歷久遠以
彌彰是以俎豆更歲時而勿替所慮者人移物換茂草
鞠於故宮所賴者舉廢興憂仁心出於當道毘陵風雅
雄勝郡伯歷有各朝當明代嘉隆之際湖廣應城少司
徒李公幼滋來守是邦政簡刑清績最穎川之四長民
安吏習功高京兆之三王迺以傳書錢穀之餘而修鍊

洛關關之業構亭於城外高敞地名以精微請學於三
吳文獻中興其俊秀追李公去而郡人卽亭爲祠立像
以祀焉郡伯施公觀民又置祠田百畝以資修理焉久
之祠圯則郡伯周公一梧又徙餘材立祠於城東南永
慶寺左以祠田百畝給寺僧守之歲時焚修春秋致祭
焉今永慶之寺碑可憑武進之縣誌足據也蓋明禪用
享既所以見子民不忘其報之意而廟食常存亦所以
勸守土不負其郡之心乃年歷百而已達人屢更而非
昔二祭之典祇屬空文百畝之田提爲私橐類垣敗棟

幾同蔓草以凝烟古道夕陽祇見寒鴉之棲樹且也盈
庭積蒿牛羊踐履而摧殘蒲室遺骸牧豎始遷而歎息
先正之祠如此耳棠之變謂何生員讀書寺中見所謂
李公祠者而訊諸父老得其本末實目擊以心傷擬鳩
工而舉鍾鐸寺旁之官地瘞祠中之枯骨一以肅清神
宇使生者可展拜而奠蘋蘩一以慰藉幽靈俾死者得
歸藏而安土壤但恐無知棍徒借端私困伏乞崇已往
之先祠恤無主之遊魂鈞批給示無得旁撓更望嚴諭
寺僧該管祠田速修祠宇無任傾頽至於春秋兩祭必

須委官親祀勿憑胥吏侵漁從此烝嘗永薦千秋拜賢
守之名而尸祝不祧一郡戴仁人之賜前以啟後且後
以承前兩賢公之令德輝映來茲後之視今猶今之視
昔大君子之芳猷馨香自古觀瞻所係風教攸闡爲此
上呈

呈詞類

爲李公祠田呈 府

呈爲賢郡功德在人俎豆應垂不朽特聲佔祠奪田之
罪懇天究正以隆國典以慰人心事竊闕功在生民者
衆陰澤愍愛之思澤被奕世者尸祝致馨香之薦是以
烝嘗有定宇何容漫肆侵欺况乎享祀有恆田豈得竟
思據常郡東南郭外李公祠者乃明郡伯歷任司空
義河李公廟食地也公諱幼滋當嘉隆之際來守我邦
勤政愛民崇文講學因於永慶寺南構亭曰精微大闢

十六字之青迨李公去而後人肖像其中祀之名曰李公祠萬曆年間郡伯施公諱觀民於講院前建亭一座置田百畝以資修理郡伯周公諱一梧又徙材立祠於永慶寺左方春秋致祭祠故有田百畝因給永慶寺僧人守之以供焚修此府縣舊志併新修武進縣志歷歷足據者也康熙四年間某時爲諸生讀書寺中見祠宇頽壞且堆積棺骸幾將傾壓問所爲李公木主則茫乎不知所存也問所爲祠田百畝則無非飽僧之囊也夫坐享百畝之獲而稍加葺又收積遺輓以爲利任其傾

歷而不顧無良至此亦云極矣某目擊心傷隨具呈明
廳朱公祖武進縣劉父母白願鳩工瘞亡併請着寺僧
以田租葺祠俱蒙給示遵行又具儀設奠迎請李公神
位入祠蒙朱公祖鈞委府學官代奠訖此俱康熙四年
冬事也今寺僧王爾卓佔祠之局已成奪田之謀遂起
不特賢守血食就渾而且國法弁髦堪駭敢爲天臺脩
陳之所謂佔祠者李公祠原在永慶寺前左方兩層六
間圍牆一座今寺僧已徙舊祠之材另建寺旁當日不
無朦朧稟照但徙祠另建則應仍照舊式今拆去兩層

僅存一層三間而以餘財別建僧房於祠後顏曰鴻室
堂懸以祖公之扁額又詭寄羅際斯名下竄入武進之
志書查縣志云居民羅際斯所建夫以民房建僧地必
無是理明係私侵物料強佔官祠故詭寄羅名以滅其
跡竄入縣志以防其後耳獨不思舊祠兩層不容埋沒
何以拆造不足兩層故併兩爲一但椽柱或有朽壞磚
瓦不無損碎而百畝歷年所入豈不可添補建造也乃
擅撤一層是何太勝豈後來再有修理後將併三間爲
一間乎現今祠屋一層權奉李公神位但淺露窄狹又

爲僧房出入孔道殊非體製伏乞天臺鉤著寺僧王爾
卓以祠田租稅照舊再建前層以復舊規在僧無損而
於祠有光矣所謂奪田者祠故有田百畝以資修理因
祠近於寺故周公給寺僧守之府縣舊志併新修縣志
開載甚明寺僧敢於遷祠而不至於毀主無非因百畝
而姑存耳利沒其田而不得不繫以祠亦以志書刊載
驟難攘奪耳卽李公祠可以責寺僧之辨祭修葺總以
祠田百畝費不及什一故寺僧亦無所諉卸耳何以新
修府志竟將祠故有田百畝改爲寺共有田百畝也查

舊志止載祠田而不記寺田以寺田原可不問耳今改祠爲寺定數百畝無論抹煞祠田而永慶寺田果止共百畝乎豈百畝之外寺僧情願入官乎祠田百畝據寺僧云七十畝在花墅三十畝在紅菱蕩其在花墅者有莊曰李公莊現有莊房佃戶居住果寺田而肯稱曰李公庄乎竊恐國人有口不可誣矣夫建亭一座於講院前置田百畝以資修理施公碑記全文載在縣志可攷施公乃名太守而謂其奪寺田以入於祠施公何以並享二賢祠乎竊恐施公有靈不可誣矣府縣舊志俱云

則公一楮重立祠於寺左春秋致祭祠故有田百畝因
給永慶寺僧人守之以供焚修唐太常兩志一字不易
也今寺僧執有萬曆三十年議單云吳崑麓唐疑菴吳
復菴及士民各出銀買田七十畝捨入寺中其講院田
止三十畝萬曆二十一年因祠傾壞兩房將田盡行繳
府至二十九年移祠寺左遂將前田七十畝一併批領
分撥輪管又有吳翼雲批照等語信斯言也則七十畝
爲唐太常諸先生所捨於寺矣然修志者非卽此太常
乎太常固前輩賢者何仇於寺僧而忽予忽奪竟以自

捨寺田歸之於祠且列入郡邑志刪削公置寺田布告
通國而不忌乎今日寺僧能改府志當時寺僧何以寂
無一言也况祠之興廢何與於寺田而紳士所捨寺田
又何關於官府乃祠壞則將田盡行繳府祠建則將田
一併批領是七十畝與李公祠實爲一體此就寺僧所
言正與舊志適合夫同此田也今日雖屬於祠仍給僧
守之而僧猶決不肯當時一繳於府便與僧無涉而僧
何以樂從今日共知爲祠田猶且乘修志而欲改入於
寺當日旣知爲寺田何以因祠廢而遂繳歸於府且繳

田於祠廢之後九年之內諸先生絕無一言則必以田之無關於寺至領田於建祠之後分撥之時吳翼雲先生始爲批照則可見田之總係於祠且唐先生修志在寺僧領田及吳先生批照之後而仍屬於祠吳先生豈不知之卽其昆弟子姪豈無一人知之並未與唐爭改迄今已九十年矣卽新修縣志時亦未易一字總以祠有田而給於僧非寺有田而歸於祠也此又就寺僧所言一一可爲舊志明證如是而謂舊志可議應改祠田爲寺竊恐太常有靈亦未可誣矣卽曰府縣舊志俱出

自太常之筆是以不憚自爲扶同而府縣新志又同一
纂修之手何以不惜自相悖異乎竊恐載筆紛更又未
可自誣矣且旣云寺共有田百畝又云給寺僧守之天
下豈有旣係寺田而又煩給僧者乎天寧禪寺田亦不
少何未嘗稽其畝數列之志內而亦云給僧守之也竊
恐文理殊舛又未可以誣鉅典矣再細看寺共兩字偏
歪窄小與上下字跡不同實係鑒改使果係寺之田則
寺僧何不於修訂之初聲明校正而直待刊板之後私
行改易巧借修志之奇緣暗裁奪田之硬証竊恐侮玩

已甚又未可以誣國法矣祠田原給寺僧掌管今必改
祠爲寺者以祠田不可遽爲乾沒而寺田便可任其變
置也然田屬於祠則寺僧原可享其利田歸於寺則李
公不得食其餘以無田之木主委寄於空門僧且有詞
矣又孰得問其祠之興廢與主之存亡哉如曰寺田與
祠田一也竊恐鹿馬難混又未可以誣後世矣嗟乎李
公固一郡之名刺史也而未列名宦祠者以別有專祠
又有祀田百畝自可不朽耳豈料遷祠不已甚至於吞
田吞田之後必至於滅主反不如名宦祠諸公之無田

者猶得永享二祭也哉某三十年前既有一番舊案今
若隱忍不言是誠何心但寺僧王爾卓目無法紀不可
理論幸值天臺修政章教百廢具舉徵文考獻一代稱
隆伏乞查府舊志及新舊縣志特賜天裁如或係寺田
不妨正施公置田之謬斥太常修志之訛以出臨寺卽
當奉主出祠倘果係祠田則超仍照舊志載入祠內不
使前守明禋之地廢於一時筆墨之間庶國乘不至傳
疑而遺愛可留弗替矣更有懇者李公治績載在前志
卓然可紀其祠久列二祭故新舊縣志及舊府志俱大

書李公祠三字以表之今新志祠廟內刪去李公祠僅
附見於永慶寺下之小註則李公祠竟不得與縉紳新
祠並存其名恐歷久漸湮不惟侵毀者得行其私而二
祭亦無所考據似應增入祠廟內照舊大書以昭耳目
而垂永遠又李公祠已被寺僧拆減一層日剝月削將
來必至毀滅據寺僧議單內云萬曆二十一年因祠傾
壞將田盡行繳府於二十九年建祠傾出今拆減更甚
於傾壞何不卽照往例將田盡行繳案另撥祭祀或俟
寺僧重葺一層之後照舊仍再給領此又寺僧之成例

可循萬萬無辭撓阻而一了百了可絕異日之侵沒者
也併祈裁奪事關千載風教典繫國郡觀瞻據實直陳
冒昧煩貢伏乞電鑒施行

懇本府詳免米麥呈稿 時丁憂在籍

呈爲恭摺

上諭定蠲之款目詳閱部覆准免之年分懇賜電詳漕
憲具 題分別以慰輿情事伏讀康熙二十八年正月
上諭內開再將江南全省積年民欠一應地丁錢糧屯
糧蘆課米麥荳稞稅槩與蠲免自此民免催徵官無叅
罰欽此欽遵澤被窮簷一日紓十年之困歡騰蔀屋四
郊喧

萬歲之聲固已德並乾坤光垂史冊矣惟是鄉野愚氓

望恩無已見

上諭有蠲米二字卽妄揣漕項均免隨經各縣具詳蒙
天臺轉詳各憲奉各憲以

上諭內無漕項字樣部覆不准蠲免通行在案是各憲
爲民請蠲之心已盡而漕項不蠲亦各憲之所無可如
何也寧敢再爲煩賓以取罪戾但念

上諭之所未開者自難徇望恩之衆而槩議蠲除而

上諭之所已開者似可遵一定之款而卽加寬免蓋

上諭未開者漕項而開明者米麥苴也固不可以蠲米

麥而謂漕項之並蠲亦未便以漕項不蠲而謂米麥之不免查漕項原非一端如漕糧如白糧如輕資如經費如灰石如募船水脚如水手飯米如折色米麥如各倉小麥如揚倉協米如南省軍糧俱於漕項內編徵非米麥之可以盡漕項而漕項原非止於米麥故

上諭未開蠲漕字樣以見漕項之不能盡蠲而

上諭開明蠲免米麥蓋以見米麥並之有可量免而如康熙十三年蘇松常鎮淮揚六府屬除漕白二糧輕資經費銀兩併淮安等倉不蠲外遵奉

上諭應蠲免一半銀一百三十四萬七百四十餘兩零
米並三萬七千八百石零是不蠲漕項而未嘗不蠲米
莖也又如康熙二十六年十一月內欽奉

上諭止免江蘇所屬二十七年地丁各項錢糧而武進
縣二十七年漕項易知由單開載蠲免起存米三千一
百餘石是不蠲漕項併未奉

上諭蠲米而米亦未嘗不蠲也況今二十八年

上諭內蠲免米麥並開列甚明倘以米麥爲漕項而與
漕項一槩不蠲則

上諭所蠲之米麥莖似屬竟無款項似屬真難奉行夫
聖明睿鑒已於格外施 浩蕩之仁而逆奉詔除非於
詔諭有違悖之罪竊謂二十七年蠲米已入由單或於
欽奉

上諭後更有應蠲之米以及二十七年應蠲之麥似當
免徵而二十六年以前民欠內有應蠲米麥與

上諭相符者似當扣算一體蠲除蓋清項不蠲所以遵
上諭之無蠲清字樣而米麥可蠲所以遵

上諭之蠲免米麥莖也但各憲更有不能不總總過慮

者誠恐

上諭止蠲積年民欠而二十七年未入奏銷不在二百
二十餘萬帑徵之內耳查本年四月卿抄戶部議覆安
撫憲一疏爲勘明蠲邑夏災分數等事內開該臣等議
得安撫江疏稱靈璧縣康熙二十七年夏被災傷前經
撫臣將被災分數應蠲錢糧造冊具題部覆以夏秋
災傷止蠲田畝錢糧不免丁銀行令將地畝錢糧另造
清冊具題但積年民欠荷蒙

皇恩槩與蠲除仰懇將丁田銀兩併與蠲免等因具

題前來查積年民欠丁地銀兩已奉

上諭樂與蠲除應無庸議奉

旨依議欽遵在案夫安徽所屬二十七年部駁不免之
丁銀卽係二十七年現徵之銀兩今安撫憲已援二十
八年蠲免積年民欠之

上諭而部覆且准蠲奉有

諭旨矣則江蘇所屬二十七年未完之項似卽在蠲免
民欠之中而未可以未入奏銷不得援二十八年之
上諭而蠲免也竊思民力已竭

帝德難忘免一粒則受一粒之賜免一年則蒙一年之
惠伏乞天臺賜詳漕憲宣

聖主已沛之恩荷道

聖主不刊之綸終懇查漕項不蠲而米麥實有定蠲之
字樣二十七年應蠲而安屬已有准蠲之部覆具

題請

青或咨明內部分別蠲徵曉諭里甲則

皇仁無弗下究爭戴舜日堯天而民隱無弗上聞欣
頌召棠卹雨矣某草土罪人芻蕘微悃敬體愛民如

子之心不辭呼籲俯抱非分言事之懼深切悚惶伏候
電詳可勝願仰須至呈者

爲推收事具呈 郡侯

呈爲推收務期盡善利弊不憚詳陳仰祈飭縣查議立
賜清釐以垂久遠事五年必舉推收所以便民間之輸
納而推收必用細號所以除業戶之包賠然推收有推
收之費又有推收之弊去弊則雖費而不敢惜於下弊
存則徒費而反有害於民管窺所見畧有四弊謹體
天臺肅紀施仁之意不揣痛切直陳但所言或破欺朦
之故習或發占奪之奸謀或窮隱蔽之根株或掃詭藏
之窟穴既言人之所不欲言亦言人之所不敢言冒昧

爲咎怨怒交集非職愚懇不能從地方起見而言之非
天威斷不能爲地方主持而行之伏乞 天臺軫恤民
艱湧革宿弊俯垂電照迅飭本縣傳知紳士耆民里正
齊集城隍廟逐款會議不拘成例不徇私情爲萬民請
命爲閭邑除殃職雖在怨受罪亦何敢辭所有四條詳
列於左

一曰推田之弊不可不除也查推收必用細號所以清
田清賦法誠至善而弊不盡除則害不盡去蓋曷正
管推里書管收有推乃有收故收之弊少而推之弊

多畝正有推出之田有存畝之田推出者悉其飛洒
斯存畝者任其侵蝕故欲清存畝之弊當先清推出
之弊推出有一號全推一戶之田有一號分推數戶
之田全推者一日了然而分推者四散無紀故欲清
推出之弊當先核分推之弊康熙三十三年推田細
號册惟以十三區爲序每區又分上下角每角又分
五則此在分條截筭不得不然但欲核全推一戶之
田尙不易斜若核分推數戶之田實無可查故畝正
高下其手田本少而推多者有之則本輕而推重者

有之甚而捏造假號者亦有之及至交冊則除去推出之數扣作存畱之數惟以存畱之數參合通畱之數推出既有虛浮存畱便可暗減田本多而改少者有之則本重而改輕者有之甚而漏號不造者亦有之畱正享侵肥之利小民受賠累之苦卽曰核對亦不過以此畱之所推對各畱之所收其有推無收推多收少者可對也若田本少而推多則本輕而推重者亦能對乎其推存總數不符通畱全數者可對也至推出之虛浮存畱之暗減畱正之侵肥小民之賠

累亦能對乎况打點一到雖確有指摘之處亦互相
容隱其無可稽察之處又誰不朦朧此三十三年推
收之法所以未盡善而推收之弊所以未盡除也今
不設法以綜核之雖用細號與無號同弊安得去賦
安得清本縣曾催先造順號冊又以前屆原有舊存
停止重造愛民省費萬姓感恩竊以爲抄謄三十三
年之數則順號冊不必有而查核三十八年之數則
順號冊不可無預造於推田未定之前則順號冊殊
屬虛文合造於推田既定之後則順號冊方爲實用

况懲弊於既弊者徒開煩擾之端禁弊於未弊者自
惕威嚴之下以職愚見似應令旨正於推田細號冊
前照本首丈量總數開列五則田畝各若干如有四
則蘆灘併役田亦開列各若干次卽依號順挨各註
明某則田若干或收入某區某畝或收入本首某甲
如一號分入數戶者逐戶註明務合原數不得絲毫
多寡其冊式兩半頁只可共容十號疎行寬空以便
註寫每十號一結共推出某則田若干共存畝某則
田若干冊後仍總結通畝共推出某則田各若干共

存留某則田各若干亦務合原總不得絲毫多寡此
猶書文之有目次錢糧之有總款也至推田細號冊
內亦須將存留田細號挨次順開附於冊後結明共
存留某則田各若干然後以順號冊內推出存留之
田與細號冊相對果否相同再以細號冊內推出各
區及存本留之總與順號冊相對果否相合如此則
彼此無所躲閃出入難以增減或有舛弊按冊可知
蓋細號冊主分順號冊主合分則推出各區之稅數
自明合則通留原丈之號數可考仍恐留正雜文不

照原文妄爲增減掩飾弊端查康熙三年丈量冊併
三十三年造投本縣順號冊俱現存各糧房自可吊
查如受賄欺隱詭稱遺失卽係捏通作弊務必嚴行
究追不容沉匿如此則一經磨對情弊立見雖有好
僞亦何所施所慮者多一冊卽多一費似屬未便或
致哢哢耳然細號推收固以清釐詭弊而原未免於
勞民傷財但省無益之冊則足以便民而省有用之
冊則適以叢弊今諸費俱不能省而獨省此費恐諸
費俱歸無用而諸弊總不能除雖遍編細號推收亦

無益也改祈飭縣查議應否開造以憑稽核伏候
裁

一曰硬掛之弊不可不除也推收之法必令業戶自覓
量甲裝田其量內田不及額者不得不將別量溢額
之田均入補足乃有豪猾之戶不覓量甲賄通經承
熟數之時硬掛量內或數十畝或百餘畝謂之縣掛
反將量內原存之田推至若難量分使窮民飲恨控
告無及改祈飭縣查議應否禁革以免欺占伏候
裁

一因假迎春之弊不可不除也均田原以均役而均田
於不役之畝則不役者享其利而代役者受其勞武
邑除在城七廂外凡爲鄉三十五而迎春鄉居其一
武邑共四百五十八畝而迎春鄉之畝居其九迎春
鄉在縣東南九十里四面皆太湖所謂馬跡山是也
其田隸於太平區十七都分爲九畝丈量字號一畝
陰二畝是三畝競四畝資五畝父六畝事七畝君八
畝日九畝嚴歷歷可稽也離城寫遠過湖艱難一應
辦糧當差俱以遠鄉量從寬恤但康熙三十三年推

收凡鄉苗俱以折平田三千三百一十八畝零爲率
九苗共應裁折平田二萬九千八百六十畝零查迎
春鄉實在共平田五千八百四十畝零沙田二百二
十八畝零高低田五百五十畝七分零極高低田七
百一十一畝三分零山蕩埽一萬四千六百八十八
畝零卽以畝數計之僅二萬二千畝零耳若以折平
計之不過九千餘畝載於兩苗七百甲而足矣祇緣
均田之際苗有定額不得不將外苗之田均入二萬
餘畝以足九苗之數而九苗總目迎春遠鄉可以避

役出賣苗分者每畝得價三四百金不等民田一入
迎春官法卽有難加惟上年間河通縣槩未優免其
餘從不當差比糧則曰此遠鄉也派差則曰此遠鄉
也田在附郭而名曰遠鄉矣人固城居而亦曰遠鄉
矣糧不完則誤官府之考成差不當則貽小民之苦
累真迎春而邀寬政猶曰應爾假迎春而圖自免亦
獨何哉里甲知而不敢言紳士知而不便言因循已
非一日怨讟亦非一人竊思憲法森嚴無好不登
無弊不別又昔年矣僧道戶不容復立矣顧又苗所

倖免者差耳而此六圖有奇者公然不役於迎春其
去又圖也幾何且僧道所與免者六七十畝耳而此
不役於迎春者公然兩倍於僧道其不爲僧道所竊
笑者幾何故職不得不甘觸嫌怨直責惡聰但積習
相沿偷安已久若不均入外畝之田則恐藉口於均
田之異同今或將九圖本字號田畝併爲三畝空出
六畝盡裝外畝各字號田畝仍照各畝地面寬應總
甲或將本畝本字號田畝併爲幾甲空出幾甲盡裝
外畝各字號田畝不得彼此混淆希畝影射或舍此

別有處置尤望 神明之獨斷蓋清出二萬餘畝不
役之田即可免二萬餘畝代役之苦敢祈飭縣查議
應否分別以杜混冒伏候憲裁

一曰暗又畝之弊不可不除也武邑四百五十八畝分
隸於十三區除在城七廂外其城外者又分隸於三
十五鄉八十二都畫疆分界悉有定址且鄉各有名
如定安東鄉定安西鄉之屬是也從前詭立於四百
五十八畝之外者並無地面另立畝分謂之又畝今
日叅錯於四百五十八畝之中者亂提畝分仍無地

面謂之暗又畚此處之畚提入彼處則此處地上有
畚而冊上無畚彼處冊上有畚而地上無畚冊上無
畚則無經管之人地上無畚則無承管之地變

朝廷之版圖貽地方之憂患甚可慮也究其彼此紛紜
而莫可寤詰者則以各鄉俱有名目而今槩削之止
曰幾都幾畚故任其東西南北而亦不知所從來耳
今蒙本縣出示不許東倉畚分提入西倉西倉畚分
提入東倉使此有虛設之畚而無實在之地彼有現
在之地而無該受之畚誠爲洞燭前弊然數月以來

絕無歸正卽以大寧區言之其提入別區者無不共
見共聞何尙至今容隱也所以然者提出之畧利於
規避而不肯返舊隣近之畧貪其包攬而不欲歸還
無事則共爲因循有事則互相推諉經界由此日淆
地方由此不靖竊謂審而原有一定不獨東倉西倉
不可妄提而彼區此區亦不容擅動今應令各區經
承於比簿都畧上註明某鄉如一都二都之在東倉
者註明定安東鄉一都定安西鄉二都其一都二都
之在西倉者註明懷德北鄉一都二都卽今推收之

際各圖正不許包攬提出之圖其造交各冊註明某
區某鄉幾都幾圖俱不得仍前止寫都圖以致朦混
如容隱不報後經發覺一併究治庶疆界可復地方
可安放祈飭縣查議應否改正以清紊亂伏候
憲裁

以上四條俱係推收實弊知而不言職之罪也言而必
行非職之事也伏乞 天臺勅批本縣迅條勘議是
否可行詳覆候奪謹抄呈一本粘式一紙不勝悚息
待命之至

又爲推收事呈 縣

呈爲懇遵成命立究權書以遵

朝廷以質神明事武進通縣四百五十八箇分隸十三區二十六角各有字號各有地面歷歷可考乃有十四箇紊亂舊章營私易置地有箇而冊無箇則無該管之人冊有箇而地無箇則無應管之地相沿已久積弊實深幸荷天臺體國愛民興除明決俯從僉議悉復版圖大張曉示權騰遐邇豈意權書陳允迪一手握定多方延擱自上年至今一年有餘既不歸還本區又不給付

各書藉口推收未定希旨朦朧照舊但地畝必待推收
以爲出入畝分不俟推收而可更正卽十四畝從前任
意紛更豈盡在推收之日況今推收業將告竣十四畝
造冊交房允廸除受賄囑竟不遵論駁查應歸區角且
稱掛榜時十四畝亦照現在區角是天臺之集衆公議
明神亦可昭格允廸獨敢抗違若聽其朦混於一時萬
不能改正於異日伏乞天臺立提陳允廸嚴究情弊嚴
押刻將十四畝照例寫付請篆批給大寧尙宜各區書
遵照收入原區角經管該地面一應事宜併於推收榜

文內更正明白版畫得正閩縣感恩爲此上呈

又爲推收事呈 縣

呈爲權蠲婪賦戕法欺神虐民叩天提究歸正以尊
朝廷以質神人事武進通縣四百五十八箇分隸十三
區二十六角各有字號各有地面歷歷可考乃有十四
箇紊亂舊章彼此易置以此區之箇而提人彼區則地
上之箇無經管之人以無箇之區而捏造有箇則冊上
之箇無該管之地諸事廢而莫與問小民怒而不敢言
幸遇天臺實心敷政洞燭奸弊傳集紳士里民齊赴城
隍廟俯採公議悉復版箇大張曉諭合邑見聞豈意權

蘇陳允迪一手握定百計遷延職以此事未有定局不免抱愧於心前月二十四日遵報起程日期併具版首亟宜復舊等事開列十四箇呈案蒙天臺鈞批該房查照原議歸正捧誦之下不勝額手乃候至三十日確蠹始稟行總書又止歸正十二箇其大寧區上角應收豐南鄉二十六都五箇仍留數上大寧區上角又應收大寧鄉三十都二箇仍留南上受賄舞文朦朧隱匿竊思十四箇同屬提亂之箇同是應歸之箇歸則應俱歸不歸則應俱不歸今十二箇歸而兩箇不歸豈十二箇固

爲王土而兩崙獨非王臣何以服十二崙之心何以輯
百萬衆之口職若知而不言是與陳允迪同焚墮蔑法
也是與陳允迪同欺神虐民也伏乞天臺立提陳允迪
併昂原呈當庭查訊如雨崙不應歸職願受欺罔之責
如雨崙應歸而不歸陳允迪難辭盡弊之誅謹解裝待
命祈天臺據實申報治職以稽遲赴
闕之罪威且不朽爲此激切上呈

呈罷僧紀蔭

呈爲罷僧蔑法婪贓借 君虐民叩天嚴審詳憲斬惡
安民事武邑額設四百五十八僧遭逢

聖主均田均役貧弱得生豈料僧道不畏 王章不服

王化詭立又冒避差累民已非一日前年里民具呈奉

憲查革又蒙撫憲朱藩憲張批行本府于轉行本縣前

任王將僧道田地務與民田編入版圖一體當差不得

私掛冒尾又滋弊端勒石永禁在案今僧道乘推收之

際贖費糾黨百計鑽營幸蒙天臺恪遵憲禁洞燭奸謀

出示曉諭僧道田地不許私掛畝尾總歸四百五十八畝之內聽其自覓畝甲歸入與民一體當差煌煌令甲誰敢抗違乃有馬跡山神駿寺僧紀蔭以

皇上南巡曾經召見悲恃天寵招搖無忌潛住弘濟

庵內勾通庵僧天與婪賄承管包推包提另立僧道戶名不入民間畝分職偶風聞昨十五日面詢紀蔭而紀蔭鋪張聲勢開口便稱會過督撫來年即要面

聖又稱見過本府拜過本縣其承管僧道事情公然承認視為應得有悔嘉積目擊可証竊思紀蔭以山寺一

僧受知格外卽當潛修山內不負

皇恩乃敢倚非分之殊榮造無窮之大孽包攬詞訟則
悖均田之

聖旨把持官府則翻勒石之憲行今日已見神通此後
定施伎倆毘陵百萬生靈終必盡遭荼毒伏乞天臺主
持民命振肅 王綱立拿紀蔭到案嚴訊真情通詳各
憲迅賜具 題依律究擬以除邪惡以救生民上呈

爲徵糧事具呈 邑侯

呈爲遵諭敬陳末議恭候電裁事身與趙棟趙焯趙焯俱係一甲花戶本年大糧漕白俱已全完歷年並無絲粒拖欠恭遇天室下車之初仰承清問下民之旨謂錢糧之孔急必輸納之及時咨訪規條何以利盡興而弊盡去斟酌美善務期不病國而不屈民竊思本縣錢糧雖多頑戶抗欠者少卽有未完亦非無故或由於拮据之無措或由於積累之難清或由於欺隱之相朦或由於使費之漸耗或由於催頭之久擱或由於分數之偶

虧或由於完欠多寡之未分或由於科則增減之無定
謹依小人聞見畧獻下里芻蕘開列八條繕呈一冊不
揣冒昧伏祈鑒覽施行

計粘條陳錢糧事宜一本

一曰滾單之完數宜登記也單內前列欠數後必開明
完數以備稽查今並無完數恐投單易於影射且下
限不知前限完數或有以少作多及隱擱之弊似當
於各戶欠數之後開明某月某日完銀若干於投單
時驗串對同方滾別戶則完既有憑欠亦可核

一曰原數之多寡宜通查也錢糧既十分全放而各戶完欠不同有完至八九分者有完止五六分者甚有十分未完者但田多者雖完八九分而欠數尙不少田少者雖十分未完而欠數總不多假如百畝之田而欠二兩則已完八分十畝之田而欠一兩則未完十分以二兩與一兩較則二兩爲欠多以已完八分與未完十分較則十分爲欠多今每兩恩減定完四錢若不論原數而止論欠數則欠十分者完及四錢雖止完四分而已在免責之例完八分者再完五錢

雖完及八分半而仍在當責之條矣又如百畝之田而欠一兩則已完九分十畝之田而欠一兩則未完十分以一兩與一兩較則欠數相同以已完九分與未完十分較則分數迥別今每兩恩減定完四錢若不論完數而止論欠數則欠十分者完及四錢雖尙欠六分而已在免責之例完九分者再完二三錢雖欠不及一分而仍在當責之條矣所以納戶多分花戶以避田多之累職此故也今似應查出完及八九分者寬其比較或限年內全完其餘俱扣集完過若

千分數填明未完若干分數查其所欠分數少而完
偶不及數者量施寬責則完欠分數旣明完者感而
爭先欠者雖懲無怨矣

一曰徵比之緩急宜斟酌也本縣錢糧數多原不能於
歲內全完卽照奏銷限期亦可寬至來年四月況今
歲兩番交代未免曠悞稽延寬之於前而責之一時
蓋實難矣每限每兩恩減定完四錢固所應爾然以
一年錢糧積至今日欠愈多則完愈難完不及數不
免於責姑存欲完之銀以作僱杖之費比比是也論

者曰嚴比尙不能完寬比更何所濟分數多尙不足
解分數少必悞正供但民力止有此數每限分數少
則完者易而使費俱入於錢糧分數多則完者難而
錢糧俱耗於使費今糧房貼寫以及正副催差不耕
而食不織而衣者孰非欠戶蠶之而誰蠶之也究竟
比數雖多而完數實少徒有費於清心終無裨於國
計似當每兩完足三錢卽准另收此數不完定行嚴
比就一兩言之則不過三錢合十兩言之則已完三
兩大約寬期於來年三月全完民可不至於苦累官

亦無悞考成然比數從寬則里甲蒙恩錢糧不欠而糧房催差俱無所利必有爲異說以陰撓者是在神君察微而獨斷之耳

一曰滾單之阻滯宜流通也滾單必以欠多之戶爲催首而欠多者非必盡分數之多也大槩以田數多而致欠數多耳故有已完六七分而裏然作首有全欠十分而仍然殿後者但催頭欠數既多則完數自難催頭完不及數不得再滾則欠戶可以停免而錢糧何以得完今似當以催頭不完者或原差押完或另

行帶比其滾單卽改次欠庶各戶俱完無阻滯不滾
之患再每限每兩若能完至三錢卽准另改其限內
完不及三錢者懲頑單出自應加數多完示罰庶頑
戶無兩限完一限之弊而催頭恐致限外加完則限
內爭完及數矣

一曰戶數之多寡宜分別也各衙內有全甲止一戶或
兩戶者有一甲四五戶以至十餘戶不等者今每甲
一單如過五戶卽另搭一單法至善也但通縣六日
一限過而復始則此五戶者不過每月一戶輪比耳

其全甲一戶則限限應比一甲兩戶則半月一比若
與戶多者一例定數則彼完於一月者此完於一限
二限彼雖兩月尙未全完者此不及半月一月卽已
全完所以納戶多分花戶以避接比之累職此故也
似應查單內止一戶兩戶者再寬分數不在四五戶
毋兩應完若干之例則完納者不苦偏枯而戶少者
不至花分矣

一曰滾簿之良法宜查復也本縣四百五十八箇共四
千五百八十甲滾單每甲一張應有四千五百八十

張甲內花戶多則滾單亦多卽以一萬張爲率每月
一給則十個月亦須十萬張耳目有所難周奸弊從
此百出本年二月內前任特設滾催簿每戶先開列
折平若干該銀若干人丁若干該銀若干丁田共徵
銀若干每月應完銀若干次橫排十個月每月下註
明某月某日票完若干某月某日票完若干欠若干
每甲一簿戶多者四五戶一簿納戶一目瞭然完欠
俱爲有據良法不永深爲痛惜今康熙三十七年已
經散單無庸置議惟當登記完數以備稽查其康熙

三十八年錢糧似當查照簿式預飭核造以便開徵
給發更將折平與人丁二項額徵科則刊列於前以
補前任之未備庶人人執簿能曉諸弊自可漸除
一曰徵比之簿不可屢換也一人之耳目有限衆胥之
朦混無窮往往放幾分則換幾分之簿完欠多寡恣
意改移無從究詰莫若一簿直比到底總不更換結
算完欠俱着實寫不用浮簽則伎倆難施稽察不勞
一曰各甲各戶之數不可不詳核也從來隱攤之弊不
除則錢糧必至於虧缺前任上年雖設滾單而隱攤

多有蓋緣內衙止以甲總合卽總而不暇以花戶應徵細數令花戶應完總數又不暇以各戶應完總數合通甲應徵總數且併不暇以各單之數對比簿之數故其填單減去銀數總數不待者有之減此加彼那移湊合者有之及給單時卽收去多加之數泯然無迹或偶不及收致被控稟則稱筆下之訛或諉貼寫之誤多加者雖得改正而減少者已不可問若設立滾簿既載丁田數目又立糧徵科則給與各戶衆目難掩似可無慮前弊但恐以虛號作完數耳此不

清釐安得無中飽此欲清釐蓋實有難言是所望於
天章明以察之嚴以御之矣臣上八條據草野之見
聞抒蠹管之窺測可否採擇伏候鑒裁

民欠漕項未減呈 縣

呈爲前任之那墊不盡地丁民欠之漕項似可量減懇
恩詳憲酌抵力賜回天大沛

皇仁急拯窮黎事竊照錢糧起解雖有地丁漕項之分
民間輸納原無地丁漕項之別地丁先行奏銷則那漕
項以解地丁率遇 恩蠲則完者總歸地丁欠者總歸
漕項相沿已久然久既在民卽完抵漕項亦無所辭若
民既完納而官有那移則完納之中原有漕項那移之
內豈盡地丁是參追自可補漕項而漕項未可盡歸民

欠也康熙三十六年漕項奉部議不准併蠲現蒙驗徵
將民欠銀一萬三千五百兩二錢零內除免地丁民欠
銀一百四十二兩八錢零仍徵漕項欠款銀一萬三千
三百五十七兩四錢零計筭每兩止免銀一分五毫零
應徵漕項銀九錢八分九釐四毫零免少徵多愚民驚
惑且康熙三十四年漕項欠款不過地丁十分之四三
十五年漕項欠款僅屬地丁十分之三獨三十六年漕
項欠款竟居地丁十分之九 上有屯膏之慮下有回
隅之悲更以奏銷在即勒限全完鞭扑雖施輸將不逮

伏查前任那移銀一萬九百十兩原係民間已經完納之銀與拖欠在民者不同前任以漕項奏銷期緩故那此墊彼今雖另案叅追而那去之銀未分漕項所以漕項之款盡屬民欠但民間輸納每兩內原有漕項二錢七分祇以前任那移未經起解而現在叅追自可抵補若責令民間已完再完無論當此青黃不接萬難勉措且以前任追補之銀不作民欠漕項之數使

聖澤未沾窮民竊嘆似非所以宣德意而恤災愚也伏乞天臺軫念民艱電查前任那墊一萬九百十兩內實有

民間已完漕項銀約三千兩賜詳各憲照數扣出於前任另案參追完日補解其餘民欠漕項驗派追徵則抵補不虧原額而絲毫皆沐洪恩矣

爲錄遺事呈府

是爲

聖主雖才方廣錄遺舊例可循額恩詳憲查例通考以
體新綸以光大典事竊惟士子攻苦寒窗三年思奮國
家搜羅岩俊一得畢收况當

聖主求才額外旣不惜一加而再加兼惟文宗採士毅
中諒不憚朝取而暮取茲者闕期已迫資孤盡欲先登
亦有正試或遺摩厲尙期後效昨捧讀學院憲檄據提
調布政詳明號舍數目遂以錄遺之典專爲起復遠歸

未得與試之人舉行非爲已經考過及初學觀場而設
嚴飭各學起送遺才不得濫送等因在各學遵奉憲行
自難踰越而諸生忽聞新例殊切憂惶職目擊心驚不
得不冒昧陳情仰祈天臺賜詳轉請伏惟錄遺舊例原
爲一日之短長未定更念三年之辛苦堪憐故正取之
外有正遺才有散遺才臨場數日前又有大收除青社
對讀外不論曾否考過是否新生皆得與考無非旁求
博採不致遺賢之意查江南歷科中式者正取與遺才
往往各半雖臨場大收入闈者每科必中式數人卽以

近科武進縣學中式舉人言之癸酉科共五人內吳景
高由三等考遺才中式周定範鄭觀俱由新生考遺才
中式丙子科止一人陸祖望由新生考遺才中式是錄
遺舊例歷歷可稽矣查康熙三十年禮部議覆前督院
傅條奏江南人文最盛已經奉

旨添取生員應如該督所題嗣後每取舉人一名應試
生員准其一百名奉

旨依議通行在案又查庚午科前學院高咨准部覆遺
才原在正科舉之外是今科江南中式舉人九十三和

正科舉原有定數而遺才又在此外部議部咨昭然可據卽以上科府學與武進縣學科舉數言之丙子科前院正取錄遺太收府學共一百九十八名縣學共一百八十二名今已卯科學院正取及三等前併新生首作科舉府學共一百二十三名縣學共九十一名而康熙三十六年

恩詔大省加中額十名則本年科舉應更多於上科卽照上科計筭府學尙少七十五名縣學尙少九十一名若專取起復遠歸之人每學不過十數人卽盡取亦不

足數者竟聽其缺少則中額已增而又增科舉反減而又減人才可惜矣

恩綸之謂何雖提調以號舍有限爲辭然上科何以不厭其多今科何以必欲其少豈今科貢院之地頓改於上科必不然矣再查錄遺雖由各學造送而散遺才則不過臨時報名若場前大收則諸生有志皆得求考決科蓋功名之際理勢難禁是諸生之雲集喧鬧亦恐非各學不行造送所能阻而抑之又憲檄內開不許將荒謬不通之人徇情濫送誠爲遴選得人至計但舊例除

青社皆得送考若以科試平等而舉目以荒謬不通是
平等與青社同例既非諸生所肯其心亦豈教職所敢
擅議或欲以諸生文理之優劣取決於教職一時之鑒
別不由考試孰是妍媸徒開胥役指勑之門難免荆山
抱璞之泣他如貢監不由學送者其優通荒謬更將何
以定之況上科督撫兩院臨場錄送不下千人今科循
例諒所必至提調固不難申詳學院禁各學之多送豈
併能申詳督撫禁兩院之錄送倘必斬於此而寬於彼
是又非學憲端持月旦廣植蔭莪之意矣且今科所行

卽爲下科定例倘已經考過不許錄遺初新進生不容
應試揆之於前而未協垂之於後而非宜事關久遠情
難緘默伏乞天臺俯軫多士觀光之志仰推

聖朝廣額之恩賜詳學憲電查錄遺舊例行學遵送通
考則品隲憑文而去取總沾雨露栽培自上而銜結矢
戴雲天矣

本府准查隸子違例應考等事呈稿

呈爲隸子違例伴考叩天鞠明報院以遵功令以維

士風事學校乃進身之始廉恥爲大節所關是以娼優

隸卒不得與試煌煌令甲中外欽承今有武進縣皂

隸周大初應役多年通邑共知伊子朦朧冒考希玷

宮牆上年生童義憤必圖擯斥職親子某隨衆公言周

皂因囑廩生朱某舉人周某再三勸阻見不允從又囑

本縣進士惲某致札懇寬內云縣役周太初之子求開

一面之網議處議罰寬其進試等語職念一皂橫行而

閭郡屏息止有挈皂隸之縉紳並無顧庠序之聲討名
教蒙羞儒林短氣隨覆書俾宦併刊告通國豈隸子周
霖周志元目無王法仍應文童賄廩保朱某保結進
院職子當堂舉首衆廩齊聲攻訐院卽斥逐併押發提
調廳轉行武進縣確查本縣又取隣總甘結職以曾經
刊書布告不敢緘口欺官隨於前月二十二日以隸子
違例等事面呈本縣懇審供申報蒙本縣王父母而諭
云周霖周志元是周皂隸之子怎能瞞得但西北地方
也常有這事等語隨收呈批查又被周皂沉捺至今並

未一訊職又詢地總屠希聲如何出結據希聲云縣裏
押我結那周姓在小北門住的不是皂隸我並不會結
周太初不是皂隸今周霖周志元現與周太初同住在
關帝廟後園地迨我出結是沒奈何的等語則周太初
之爲縣皂卽本縣亦不肯爲之諱而周霖周志元之爲縣
皂周太初親子卽地總亦不能爲之掩今蒙學院電燭
混結轉申緣由復送天臺查勘此正學政肅清之時閭
郡瞻仰之日乃周皂狡窟非一伊子周大業又應武童
賄賂硬保安希不得於文可得於武且冀一得於武便

得於文其意必欲玷辱 黷宮其勢必將流毒士類不思鬼伎易窮而屏燃畢照但就隣總扶同之結與縣詳據轉之詞雖天臺洞悉情形亦無從大施霹靂職由諸生起家素知行已有恥衆人非之而不顧惟願爲仲尼之徒一身任之而不辭敢謬呼將伯之助謹奔冰案直瀝上陳伏乞天臺主持風教整飭綱維立提周霖周志元周太初周太業併原保之朱某與混結之屠希聲及致書囑託之憚宦與職當堂而質明白一同解院親審定案庶狐鼠有立破之奸魑魅無復萌之術學校得以

增光而廉恥不至掃地矣爲此激切上呈

爲派大樹呈府

呈爲仰體愛民之政懇酌辦樹之規以竣大工以恤民
隱事竊惟

朝廷大役原應辦自民間天地生材亦貴畱其不盡近
因船工需樹蒙縣臺示令各畝總里具報卽行砍伐逆
至東西兩埠頭令青樹行頭估計時值具領給價又蒙
縣臺示地總查報合式可用者如無樹指稱有樹有樹
捏稱無樹均干法紀等因現在閩縣總里遵示查報但
修造沙船每隻需樹必有其數今沙船四隻應用青樹

若干工房並未開明數日而捧讀縣臺示凡合式可用者盡行查報則閩縣可用之樹均在必報均在必伐似閩縣不留一可用之樹矣查民間樹木有關係墳墓者有關係風水者若欲一概砍伐勢將靡有孑遺雖

朝廷工役爲重豈暇復顧民間之墳墓風水但沙船不過四隻何至盡閩縣之大樹斬伐無存且使花封百里薈屋萬家無一高柯遠蔭盡成禿枿低枝亦非所以表太平景象也况砍運之後未必全用於舟楫徒充小人之腹空歌伐木之章伏乞天臺勅行嚴諭本縣工房將

修造沙船四隻除靖江縣協修外估用合式青樹若干
以需用青樹之數派合縣應役之番頒明丈尺圍圓責
令總里查報或兩箇而報一樹或幾箇而報一樹俱擇
其合式者具報不得傷壞墳墓風水借端誑詐如本番
果無合式大樹卽具結報勘仍於附近樹多箇內查報
應出之樹其樹頭驗估亦不許增減需索總令應用之
樹不至於缺額定數之外稍留其有餘則作楫作舟可
觀大川之利涉勿剪勿伐永思蔽芾之甘棠矣

書啟類

爲推收事致 邑侯書

頃承清問知芻蕘之詢對非不棄甚盛心也治弟雖至愚陋敢不盡抒鄙臆仰候睿裁至於聯票之說前任未行亦無歧誤蓋旨正里書推收原有開單付與業戶而內衙清查則有造冊可憑況大尊嚴諭凜凜則應否仍須請教太尊耳所有條荅謹刻於左

一第二條內開着旨正按照上屆原丈五則歸旨冊先行抄錄呈遞云云查上屆推收各旨正已將歸旨冊

造報存房今再行抄錄未免又多造冊之費可否令
上屆經承將原存歸冊送查伏候台裁

第三條內開該畝田地多寡不均聽憑自相品搭推
收過戶冊許硬裝別戶在甲亦不得此贏彼縮云云
查第五條內田地有餘不足該管經承或浮至田少
之畝或提補田多之畝則是以品搭之責屬經承矣
而此條又欲聽憑自相品搭兩條似未畫一使其能
自和品搭則何有餘不足之有且惟其此贏彼縮故
有餘者須浮出不足者須提補倘一無贏縮則各甲

已均卽各畝已均又何所待於經承乎前任惟以品
搭我各畝故遷延三載而後竣今似當改而更張之
各甲固不得此贏彼縮但田多之畝各甲應照額收
田自不放贏亦不至縮若田少之畝各甲欲照額收
田固無可贏而不能不縮如坊廂是也或單指通畝
及額之田各甲須彼此適均則可耳伏候台裁

一第四條內開僧道又畝不許另立總歸四百五十八
畝之內聽其歸併一處毋許僧民混雜云云仰見愛
民剔弊之意但申令者固期於剔弊而舞文者實因

以藏弊蓋僧道齒已奉憲革乃計復燃灰改齒爲戶
私掛齒尾夫僧道戶無異於僧道齒若掛齒尾則雖
無四百五十八齒以外之名目而實未入四百五十
八齒以內之版齒至於歸併一處則各僧道自擇齒
甲將伊田歸併可也若必欲衆僧道歸併一處則民
間各有齒分安能空出幾齒以裝此僧道盈千累萬
之田倘更於民齒之外而歸併此盈千累萬僧道之
田於一處非掛齒尾而何且僧民原無妨混雜也僧
道所居之地原散處於民間何獨僧道應收之田便

不可與民混雜查勘碑內憑數原云僧道田地務與
民田編入版圖一體當差不得私掛畝尾則第禁其
私掛畝尾而原不禁其僧民混雜矣僧道奸智覬覦
已非一日諒老父母遵憲執法必不爲其動搖似應
將聽其歸併一處毋許僧民混雜二語改爲速行自
覓畝甲歸入與民一體當差毋得仍前自誤伏候台裁
一第八條內開凡業戶收田各畝里書務必驗明印契
方始收畝云云查民間買賣推收必覈業戶姓名果
係更改業戶方行驗契收稅今次推收似應止將與

上屆推收業戶姓名不同者驗契准收其業戶不改
者無庸驗契以省煩擾蓋民間地畝原有先世遺傳
並無文契者亦有年遠失契無可查驗者若必欲舉
不分久近閭閻百餘萬號收畝之地盡行驗契方收
則業戶無契可驗者無從向里書收田而里書得以
恣意勒指謗讟煩興雖曰推收而仍不推不收矣似
當申明飭明白無駭聽聞至於上屆以後亦有父撥子
業或婿受岳產及原主回贖與公產立戶者雖換業
戶實非買賣無契可驗似當查明分別伏候台裁

爲推收事再致邑侯書

數日內鄉民正以交冊一事大爲擾攘接讀諭旨極感
老父母愛民如子不遑暇食之意至稟單所云雖亦婉
婉然俱贊惑聰聰者敢畧爲剖折以候睿裁據云若卽
以三十二年舊冊爲憑則恐訛以傳訛正隨奸狡圖套
故行取今屆順號五則新冊用以核對前冊則情弊顯
然田粒得楚等語夫順號冊卽丈量間載某號某田若
干之冊而非推收某號某田歸入某戶之冊也造冊所
以多費者正恐冊內或前後偶殊或絲毫誤落或總撒

不符一經駁查無窮打點則舊正新冊現俱僱人抄謄
三十三年所投之冊多番磨對尙恐新舊互異以至費
累卽有弊端誰肯自行托出陷已死地乃謂可因此以
核對前弊此萬無之事也然弊端不可不清或合業戶
告發或容舊正自首則推收冊內便可許與改正而何
必藉口核對重造冊若累小民况順號冊卽丈量冊
其田畝數永永不易非可歲異月殊若因互異而欲加
駁詰則舊正必畏駁詰而愈爲扶同若任互異而不加
駁詰則未作弊於前而反作弊於今者將亦聽其舞文

乎且通縣四百五十八冊藉浩煩即云核對而老父
母一人之目力雖每日對一冊期年猶未完也如假手
他人則應駁詰者必多容隱而不應駁詰者必更吹求
此又勢之所必然而理之所易見者矣衙門之內何事
不若奸何人不盡弊即如錢糧完欠上關國課下係
考成猶且隱摺侵蝕如此而欲以核對通縣之弊望之
於今日責之於此輩蓋亦難矣或曰神明所馭若輩自
當革心奉法則就前冊以核對亦云足矣而必造新冊
以核對此何說乎倘曰寬仁所格固正不妨舍舊從新

則推收之後容其呈改可也而必欲推收之前預造新冊此又何說乎又據云買賣交易業主互更必有前係張某而今係李某者有前係一號分推數戶而今總歸一戶者前係一田一庄而今分售數主者若不另爲造交則業戶改更無從查核將來收除必多舛錯等語夫順號冊可停者謂停止重造之順號冊非停止必用之推收冊也蓋推收已定則昔張今李者有之昔分今合者有之昔合今分者有之逐一開造斷不可少至於目前抄謄三十三年之順號冊問果有昔張今李者乎問

果有昔分今合昔合今分者乎如必欲有之則昔張今李業戶之姓名已換無所更用推收矣昔分而今合昔合而今分田畝之出入已明無所更用推收矣况鈞票明開先造順號冊再造推出收入冊是已分爲兩冊矣安得謂停止順號冊併不用推收冊乎又安得以推收冊之式混入順號冊內以爲必須重造欺誑耳目乎至於當堂通冊則需索苛派之弊自絕等語此大不然夫通冊可在當堂而核對亦能在當堂否既假手以核對卽假手以索派孰能禁之此固難逃屏照無俟贅詞者

也若里民白玉等所云再行細號收除必取順號細冊
爲據等語則白玉固與此輩表裏者也卽其言亦未嘗
指明另造順號冊也豈新冊爲順號而舊冊獨非順號
乎總之此人身任大事原有大欲前蒙薄懲更挾大仇
假公濟私何所不至此人不去則推收一役不獨貽殃
閭邑必至重損賢聲更有請者前言雖已舌敝而此輩
利口無窮豈筆墨所能預折必懇老父母籤提三十三
年經管推收各糧房將王任內順號冊併推收冊預行
吊齊如有隱匿前冊者務必嚴行究追仍照前傳知紳

士里民齊集城隍廟公看酌議以杜奸口以沛慈恩萬
姓幸甚

爲推收事復 邑侯書稿

竊照推收舊例尙正管推里書管收而尙正里書散處
四鄉業戶奔馳尋覓殊非且文可完差謬毫釐更多改
正之擾且阻指者或借此以留難推諉者或因之而遲
誤故向來必設局公所使業戶查明號數田數卽向尙
正里書三箇推收旣無彼此之遙隔自無時日之稽延
歷稱良法通邑皆知前蒙鈞示比冊又荷老父母軫念
雨澤愆期恩准暫回仍令先將各甲收回據實開報歸
入區局聽候另期查點此誠體恤民隱之至意但人情

寬則易弛業戶固畏鄉城奔走不肖上緊收除黃正里
書又互相觀望未能卽行開報迨至一時查點仍無冊
可交自不得不責其怠玩而失誤之愆已無及矣惟設
局推收則黃正里書聚於一處而業戶卽推卽收易於
竣事茲承台教云云細思所言各黃里正何止數千者
查敝縣四百五十八黃每黃黃正里書各一人共有九
百十六人未嘗有數千以外也所言花戶何止數萬者
查敝縣丈量共有一百四萬三千六百五十六號以業
戶計之不啻數十萬戶但花戶原不同時入局往來原

無一定猶街市稠人雖多無碍也所言無此寬大公所
立局者查向來俱在西廟設局前任硃點示條猶存老
父母已經目擊未必向時寬大而今遂逼窄也所言爨
糧守候繁費集怨者或曠日持久則誠有之若嚴立限
期過期不許推收則業戶誰不奔赴恐後而何守候繁
費之慮也至於所言不如循舊先令里書花戶就近收
除者則更不解何意查里書收除乃數十年前推收之
舊例而非用丈田細號推收之舊例也前惟止用里書
收除所以田畝不清致多賠累今既用丈田細號則推

田之責在蒞正矣里書只管收田可也而并責之除田可乎里書既兼收除便可置蒞正於不用所云丈田細號復安用乎前呈已駁詰其端矣今果有爲此言者此必欲脫蒞正之役陰壞良法而不顧叢弊耳但非用丈田細號則賠累難除非定限入局竣事則遲誤難免或念時方亢旱稍寬入局之期是在老父母施仁格外倘曰設局不便而僅責里書收除其爲公爲私豈能迓神君之洞鑒乎伏思事關闔邑何敢以臆見阻羣論祈老父母定期傳集紳士里民諮詢裁奪則紛紜不難立決

而良法可垂久遠矣治弟愚拙性成深愧冒昧仰希慈
宥無任主臣

爲細號冊後 邑侯書

查量正推田竣事原造有細號冊前已呈覽其細號冊
先分五則則分各區區分各角角分各畝畝分各戶戶
結田總今又於順號冊前先造各戶田畝總數雖曰提
綱實不過抄謄細號冊內總數徒費紙筆殊屬無益蓋
各戶田總可查於細號冊內而順號冊所重不在是也
昨云前加數頁無可議者亦以不敢盡爲妄更耳再荷
下詢敢不以實對冊前但造原丈各則總數其一推出
某區等云云兩頁似應去之而推出存留各總數只結

於順號冊尾可也十號一結必分列推出一行存留一行庶可核冊尾推出存留之總但十號總結推出存留下不必刻定平沙等項以十號之內未必諸則俱備有則寫之無則不必乃不空占行內地步也順號已完必須總結推出某則共若干存留某則共若干以對十號之結似稽察頗易而朦混爲難承老父母軫念大役不棄芻蕘故敢冒陳惟垂亮爲感

爲徵糧事復 邑侯書

適抱采薪杜門戢影不獲趨覲霽光者數月於茲矣深愧疎濶惟冀汪涵永示云云細民無知殊爲詫絕但竊聞道路紛紛亦擬一陳左右念多言多戾嘑嘯者久既辱台教敢臆臆見以盡芻蕘夫漕項固在不赦以民欠一兩而所免不過百分之一何欠解地丁如此之少而漕項如此之多也此在當時徵解必自有說而蚩蚩者以多寡懸殊有疑經承掌握任意增減者有疑前任虧空借名補債者雖老父母神明綜核不致滋弊然立法

者使民疑不如使民信使民疑而家諭戶曉之爲難不
如使民信而發號施令之爲易今康熙三十四五六等
年錢糧遇蠲不蠲者每年民欠共若干民欠內應免地
丁未完共若干應徵漕項未完共若干每兩驗派漕項
銀該若干何不嚴諭經承核筭明確造冊具詳院司道
候批先到日大張告示徧曉愚氓併將驗派銀數照例
刊入該年滾單內則羣疑自息而輸納者可免於觀望
拖欠者無辭於敲朴矣查三十四年內于公祖曾將各
年赦前民欠驗徵漕項銀數明晰曉示闔邑感頌似可

做可行之老父母以爲然歟否歟貴經承以爲然歟否
歟此則非愚昧之所敢知也抑聞萬姓驚皇又不獨三
十六年以前之漕項也三十七年錢糧漕項正屆奏銷
地丁亦將再參徵比自不容緩然欠非一日而欠則完
豈一日能完况兩年內經承之隱攤催差之需索正供
盡耗於雜費至今日膏無可吮髓無可吸乃以僅存皮
骨之窮民交還臺下不得已而鋪鋪中之犯能完糧乎
又不得已而枷枷下之犯能完糧乎且今日而限完於
次日數十兩而限完於兩三限使其能依日依限而完

也則何爲積欠至今乎間亦有剗肉以免須臾者非出於賣田鬻屋卽出於賣兒鬻女雖頑愚自取孰敢曰不應而父母爲心必有所不忍竊以爲三十七年之舊欠每限每兩似應只定完一錢以十限計之不過三個月可望全完夫三個月全完未必致悞考成而所寬於民者多矣完一分則民受一分之惠否則限期旣繁分數又多真有手足莫措者鄭圖難繕老父母豈弗惻然傷之耶至於三十八年地丁每兩約該七錢有奇通縣合筭決無不完七八分之理而清項奏銷尙在明年則今

日追呼誠有可稍寬於三十八年者况用一緩二尤君子不盡民力之盛心乎撫字催科並行不悖上可爲國下可爲民非敢不知時務而漫爲塵飯塗羹以欺明哲也倘必重剝疲民而曰急之尙恐不逮緩之更有何濟則從前積逋纍纍豈真刑措不用哉疾痛之呼必歸父母故敢因清問而併籲如此情出請命不知忌諱幸垂慈亮曷勝悚禱

附原覆惲宦書稿

前月廿二日承諭周臬事卽備示小兒矣頃小兒以台札相商捧繹再四具悉老年翁委曲苦心且不肯以私情掩公論曷勝欽佩台諭周太初既克縣役而其子周霖周志元希玷 宮牆此事上關

聖教下繫世風吾輩不能言不敢言而庠廩能言之敢言之此亦禮失求野之意縱不獲望有成效若必力箝其口率率附和豈 國家設立科名隆養庠廩徒爲藏垢納汙地乎況目前袒臬者固多蠻中執言者亦不少

何以周皂西席朱年翁屢次苦口獨排解於小兒周皂
聯請周年翁鼓棹遊說偏諄諭於小兒卽老年翁亦不
吝賜顧賜札尚辱命於小兒觀周皂之多方請託耽耽
注意不過欲感絳一人便可爲歷倒諸公計耳但小兒
雖久困青衫不敢得罪名教倘畏威懼禍改心易面弟
亦安用此無義無命之不自子哉周皂羽翼實繁眼見
斯文掃地今又重以兩先達之長城豈寒士微言所能
障狂瀾而支傾屢然墨守輸攻原自並行不悖雖理無
常神局非一定而撫膺歎息存此空言或不負我

朝廷數十年養士之恩耳弟病卧畏驚不願與聞戶外
弟向吟面諭料難自諉韓賸茲小兒又疊奉嚴命不幾
有何款之疑耶小兒惶恐不知所答祇叩崇堦以謝失
迷之罪弟惜夫一皂當權而冠裳惕息重爲若輩恥笑
故冒昧佈復聊託寒蟬之一響乃若不知分量不合時
宜已知罪矣撩虎難免弟當任之無徒以小子爲的也
懇率希亮不宣

致業師朱老先生書

不侍 函丈者十五年於茲矣前附寸稟煩 世兄代
候興居嗣移任長沙山川綿邈修問缺如西望咨嗟不
禁憂遠慈雲也 老夫子願參東山優游嘯傲更有
世兄南宮奪錦 膝下承歡此種樂事真非塵俗所可
希與幸厠 宮牆惟有遙視 萬年而已某猥以庸才
濫沐

聖恩自越之楚謬鎮岩疆因此地陋習相沿時頒
天語力減加耗盡革私徵更賜有綏輯撫安之

御筆祇承

綸綍恪勉遵行雖德薄力微未能盡前染而躬自刻苦
誓不以絲粟啟官邪耿耿寸衷不敢上負

聖明貽羞當世第迂濶已甚動輒時忤幾欲籲請乞骸
又未卜

天心何似逡巡展轉竚且淵永 老夫子何以教之